

վանաց էր բուռնութեամբ տրորման տի
 փրանչա միւսին Ստէֆանո Ռուպոլի, որ
 յոյժ բարեպաշտ անձ էր և սա. և մեծ
 բարեկամութիւնս արար թովմաճանին, զի
 սորա գրովն զկնի՝ եօթն աւուրց ելեալ
 գնաց ի Ռէշիթ թովմաճանն ի սպիցեօն
 բաթերայից՝ որոց մեծաւորն էր բատրէ
 կայթանօ տի Միլլա բռէճիտէնդի, ընդ որ
 ի յերուսաղէմ բարեկամութիւն մեծ ու
 նէր, որ ընդ նմա գնացեալ էր ի Նազա
 րէթ: Եւ աւուրս 20 նստաւ մինչեւ անցոյց
 զապրանս իւր յԵգիպտոս առանց մարսի:

1763 — Եւ ապա ել ի Ռէշիտէն թով
 մաճանն որդւովն 1763 Յունվարի մէկին
 և 5ին եհաս ի յԵգիպտոս: Արդ ի յԵգիպ
 տոս ի Տառպիճինին ի տան Յարութիւնի
 իջեւանեցաւ թովմաճանն Պօղոս որդւով և
 մի սպասաւորաւ...:

Այլ արդ՝ իրբեւ ետես թովմաճանն թէ
 յետ կալոյ զամիսս 8 ի յԵգիպտոս ոչ յա
 ջողեցաւ առեւտրոյ վաճառն, այլ եւս ա
 սացեալ էր երկիւղի հրամանն Օսման ա
 ղային. և եւս աղօթիւր և ողորմութեամբ
 Տն. բացորոշեաց գնալ ի ձիտտէ¹, և եթէ
 անդ եւս ոչ յաջողեսցի գնալ ի Հնտոտան:

Եւ ի ձիտտէ մին անուանի հայոց ազգէ
 ֆանտիացի հոճա Եանաքի իբր կէս յոյն,
 նմա մին յանձնարարական գիրս առնու
 թովմաճանն, և Շալճըղլու խոճա Արրա
 համն կ. Պոլսեցի որ էր ի յԵգիպտոս
 յայնժամ և կամէր գնալ ի ձիտտէ, և երբ
 լուաւ թէ թովմաճանն եւս գնալոց է, եկն
 առ նա և ընկերացան և ելին յԵգիպտոսէ
 կարաւանաւ 1763 Սեպտ. 19ին, և 21ին
 հասին ի Սուվէիշ², և նստան զաւուրս 23,
 որ յոյժ վատ և անջուր տեղի ինչ է. և
 զջուրն գնել պարտի որպէս զէրպէթ:

Արդ ի Սուվէիշ գնացեալ թովմաճանն
 եգիտ զՍիւլէյման շառայալի նաւապետն
 ընդ որում ի յԵգիպտոսէ բարեկամացեալ
 էր և խօսեցան զվարձ նաւուն 25 ընեալ
 վասն միոյ փոքրիկ դամարայի. և առեալ
 գնամակ չորից անձանց, այսինքն թով
 մաճանի և որդւոյն Պօղոսի, և Շալճի օղլու
 հոճա Արրահամի և միոյ սպասաւոր Երե
 միայի: Պատրաստեցան և մտին ի նաւն

Հոկտեմբերի 16ին ելին ի Սուվէիշէ 8
 նաւք միասին և բնաւքն էին յոյժ բեռ
 նաւորեալք մինչեւ յետ ընլոյ զներքին
 խորշս նաւին և զըոտիտոռն, այլեւս դի
 զեալ էին եւս յեգերս նաւին մարդաչափ
 բարձրութեամբ, և յետ երկուց աւուրց հա
 սին ի թուրխինայ և ելին արտաքս, որք
 բերէին ի թուրխինա լեառնէ պատուա
 կան մրգեղէնս և տանձս զորս գնէին
 բազումք, զի վասն ոչ գտանելոյ այնոցիկ
 ի ձիտտէ մի մի փարա գնէին զհատն տան
 ծին: Եւ յետ երկց աւուրց ելին անտի և
 մտին յԵնկինն, և զմեծ ալեկոծութիւնս
 կրեցին. և ընկերացեալ 8 նաւքն կորու
 սին զմիմեանս: Իսկ նաւն թովմաճանին
 հանդերձ միով ընկերաւ հազիւ կարացին
 ըմբոնել յետ 6 աւուրս զՀասան ատասին:
 Իսկ բռնութիւն ալեկոծութեան շուարեալ
 զնոսա արկեալ էր զերկաթն ի վերայ շապ
 քարի միոյ 15 զրկաչափ խորութեամբ,
 իսկ այլ կողմանքն խոր անդունդ էր յորս
 ոչ կարէր ձգել զայլ երկաթս: Վասն որոյ
 նաւապետն իւր նաւավարօք և ուխտաւոր
 մահմետական հաճիովք որք էին 250 հո
 զիք, առ հասարակ ողբալով զՏէր Աս
 տուած յօգնութիւն խնդրէին, նմանապէս և
 թովմաճանն իւրայնովքն: Վասն զի եթէ
 խզէր առասան նաւին՝ անկանէր ի ցա
 մաք. և հազարաւոր ֆէլլահքն տեղւոյն
 եկեալ սպասէին խզման առասանի նաւին,
 որպէս զի յափշտակեսցեն զապրանսն և
 զմարդիկ նաւին սպանցեն: Բայց բարե
 բարն Աստուած ունկնդիր եղիւ աղաչա
 նաց նոցին ի մէջ զիշերոյ յանկարծակի
 հնչեաց հողմն ի ցամաքէ, որով ֆելլահք
 վախճանագուրկ եղեն, և նաւավարք սկսան
 քարշել զերկաթն ուրախութեամբ:

Եւ այժմ զայս զարմանալիս նկատես
 ցուք, որք այսքան անձինք սկսան քար
 շել զերկաթն՝ ոչ զայր ի վեր. և իջեալ
 լուղորդն ետես զի մի թև երկաթոյն մտեալ
 է ի մէջ այնր շապ քարին, և առասան
 սոցին յայս բռնութեանն ոչ խզեցաւ. վասն

1. Հէճազի (Արբիի) ծովային քաղաք:
 2. Եգիպտոսի անապատին ճայրը դէպ ի կարմիր ծով: